

sato di Prioli sopra nominato: era la piazza piena di zente. Era vestito con uno sajo di pano negro da soldato et una scuffia d'oro in testa; vene ben disposto con frati di San Zane Polo atorno, et par muori ben disposto. Usò poche parole sul soler, et tagliatoli la testa, subito fo tolto il corpo e la testa da alcuni zoveni mandati per sier Andrea da Molin qu. sier Marin suo Compagno, e posto in una cassa con li Jesuati fo portato in dita jesia di Jesuati a sepelir dove è li soi. Questo era di anni homo dato sempre a piaceri e bon Compagno; have moglie la fia di sier Andrea Arimondo qu. sier Simon, era monaca a le Verzene, morite et non ave fioi; ha uno fradelo sier Marco, el qual è al presente camerlengo a Vizenza: e li soi parenti non levono coroto per aver fata questa morte.

276 Fu posto per li Savii, una letera a sier Andrea Griti procurator, in risposta di sue, zercha il concluder con il signor Thodaro Triulzi. In conclusion, vedi far come fu preso, *aliter* fazi come il pol, et li fo mandato il sinichà a far questo. Et fu presa.

Fu posto, per li diti, far un provedador zeneral in campo in luogo di sier Domenego Contarini con ducati 200 al mexe, per mexi 4, con pena; e zonto el sii in campo, dito sier Domenego possi venir a repatriar, *ut in parte*. Fu presa di tutto il Consejo, et tolli *solum* tre, come sarà notado qui soto.

Fu posto, per li diti: atento sier Zacaria Gabriel e sier Andrea Magno cassieri, intrati Consieri di zonta non poleno più exercitar l'oficio di Cassier, sia electi do cassieri in suo locho, possino esser tolli di ogni loco e oficio, *etiam* siano provedadori a la recuperation dil danaro, e possano meter parte come li altri Savii in questa materia, non possino refudar in pena ducati 500 d'oro. Ave 12 di no, et 143 di si, et fono electi, come qui avanti.

Fu posto, per li diti, elezer do Provedadori sora l'arsenal, possino esser tolli di ogni locho e oficio, con pena ducati 500, excepto quelli di Colegio, possino venir in Colegio, e meter parte zercha l'arsenal. Ave 12 di no. 140 di si. Et fu posta per i Consieri, sier Antonio Grimani procurator savio dil Consejo, et li Savii da terra ferma.

Fu posto, per i Savii dil Consejo, sier Zuan Trivixan, sier Nicolò Dolfin savii a terra ferma: atento sier Lunardo Emo luogotenente in la Patria di Friul sia amalato, e il suo cambio sier Jacomo Corner non poter expedirsi cusi presto, ch'el sia electo per scurtinio in questo Consejo uno provedador a Udene et vice-luogotenente con ducati 60 al mexe neti, et si pagi li; non possi refudar in pena ducati 200, et

parti fra termine di 8 zorni, e zonto li, dito sier Lunardo Emo vengi a repatriar: 40 di si, 124 di no, e fo presa di no.

Fu preso, per li Consieri, Cai di XL e Savii, la gratia de sier Zuan Batista Querini qu. sier Polo, suspender li debiti con la Signoria per do anni. Ave 24 di no, 158 di si; fo presa.

Fu posto, per li Savii, una parte zercha la exation dil danaro di la mità dil neto et quarto, da esser portà a li Governadori in contadi, e non accepti alcun sconto per dita raxon et di ofici di questa terra, e di rectori e oficali, soto pena a li Governadori di pagar dil suo, et siano tenuti ogni mexe portar in Colegio al Serenissimo uno conto di quello harà scosso di dita raxon, et non obediissa alcun mandato li fosse fato per il Colegio. 12 di no, 147 di si, e fo presa. 276*

Scurtinio di Provedador zeneral in campo, con ducati 200 al mexe, et presa.

† Sier Andrea Griti procurator, fo provedador zeneral in campo	144. 8
Sier Zustignan Morosini, fo provedador in campo	42.110
Sier Cristofal Moro, fo provedador zeneral in campo, qu. sier Lorenzo	50.102

Do Cassieri e provedadori sora i danari.

Sier Stefano Contarini, fo capitano a Padoa, qu. sier Bernardo	50.103
Sier Alvise da Molin, fo savio dil Consejo, qu. sier Nicolò	72. 82
† Sier Anzolo Trivixan, fo savio dil Consejo, qu. sier Polo	81. 77
Sier Francesco Foscari, fo savio dil Consejo, qu. sier Filippo procurator	69. 86
Sier Zuan Venier, fo Cao dil Consejo di X, qu. sier Francesco	79. 76
Sier Zorzi Corner el cavalier procurator, fo savio dil Consejo	67. 92
† Sier Francesco Foscari el cavalier, fo savio dil Consejo, qu. sier Alvise	88. 61
Sier Batista Morosini, fo podestà a Padoa, qu. sier Carlo	68. 88
Sier Marco Donado, fo consier, qu. sier Bernardo	67. 92
Sier Alvise Grimani, fo consier, qu. sier Bernardo	64. 98
Sier Lorenzo di Prioli, fo consier, qu. sier Piero procurator	61. 97
Sier Bartolomio da Mosto, fo savio a terra ferma, qu. sier Jacomo	53.104